

\* \* \*

Ինչպիսի հարկեր էին գանձվում Արևմտյան Հայաստանի բնակչութունից: Այս հարցի մոտավոր պատասխանը, ինչպես ասացինք, տալիս են կանոն-նամակները:

Հավական նահանգներին վերաբերող կանոններում նշված հարկերի մեծ մասը հիմնականում գանձվում էր հայերից, որովհետև անգամ 1635 թ. ֆրանսիացի ճանապարհորդ Տավերնիեի ասելով, «Թոխաթից մինչև Թերրիզ երկիրը բնակված է հայերով» և որ «Տիսուն հային ընկնում է մի մուսուլման»<sup>1</sup>:

Պետք է հենց սկզբից նաև նշել, որ ներքոհիշյալ հարկերը բացառությամբ «խարաջի», «ջիզիե»-ի և «խապենջե»-ի վերցվում էին, ինչպես քրիստոնյա (հայ), այնպես էլ մուսուլման (թուրք, քուրդ, թուրքմեն) ազգաբնակչությունից, իհարկե, ավելի նվազ չափով:

Ընդհանրապես, Օսմանյան կայսրության մեջ հպատակներից գանձվող հարկերը լինում էին երկու տեսակ:

Առաջինը կոչվում էր «օրինական հարկեր» («ոուսում-ի շերիե» Rüsüm-i şeriye), այսինքն շարիատին համապատասխան: Այս հարկերը հիմնականում գանձվում էին պետության կողմից ու բնորոշում պետության ու հպատակի փոխհարաբերությունները:

Հարկերի երկրորդ տեսակը կոչվում էր՝ «հարկեր ըստ սովորության» («Ռյուսում-ի օրֆիե և կամ «թեքլալիֆի օրֆիե» Rüsüm-i örfiye; tekâlif-i örfiye): Այս հարկերը հիմնականում գանձվում էին տեղերում նշանակված սիփահիների կողմից ու բնորոշում գյուղացու ու ֆեոդալի փոխհարաբերությունները<sup>2</sup>:

Ինչպես բոլոր մուսուլմանական երկրներում, այնպես էլ Թուրքիայում, որպես հողային ու «օրինական» հարկ, մուսուլման բնակչութունից գանձվում էր «ուշրը» (öşr) բերքի մեկ տասերորդ մասը, և երբեմն էլ ավելի: Ոչ մուսուլմաններից (տվյալ դեպքում հայերից) գանձվում էր խարաջ երկու ձևով՝ խարաջ-ի մուկասամա՝ («Harac-i mukaseme», արաբերեն նշանակում է մասնակի, պրոպորցիոնալ խարաջ) և, խարաջի մուվազաֆ (harac-i muvazzaî արաբերեն նշանակում է ծառայության խարաջ), գանձվում էր հողօգտագործման համար<sup>3</sup>:

Որպես «խարաջի մուկասամա», գանձվում էր բերքի որոշ մասը: Մուկասաման (մասը, պրոպորցիան) կարող էր լինել՝ «ուշր»՝ բերքի մեկ տասերորդ մասը, «խումուս» (արաբերեն)՝ բերքի մեկ հինգերորդ մասը, «ոուբուս» (rubu՝ արաբերեն)՝ բերքի մեկ քառորդ մասը, սուլիուս («sulüs, արաբերեն) բերքի մեկ երրորդ մասը, «նըսըֆ» («nisif», արաբերեն) բերքի մեկ երկրորդ մասը:

Նկատմամբ և պատերազմի ժամանակ յուրաքանչյուր 5000 աչևե կեամաի զիմաց պարտավոր էին բանակին մատակարարել մի ուղմիկ՝ «ջեբեջի» անունով: Սրանց մասին տե՛ս Այնի Ալիի մոտ՝ նրա հեռակալ աշխատությունում. «Kavanin-i Âli Osman der hulese-i mezamini-defter-i divan թարգմանությունը M. Belin-ի, Journal Asiatique, 1870, t. XV, p. 239—274.

<sup>1</sup> Jean Baptiste Tavernier, Les six voyages de Jean Baptiste Tavernier, Paris 1713, p. 39.

<sup>2</sup> Տե՛ս Boris Christoff Nevkoff «Osmanlı Imperatorlugunda cizye (Türk tarih kurumu Belleten, cilt VIII, teşrin 1944, S. 617).

<sup>3</sup> Տե՛ս Էրուսուկի հողի վերաբերյալ կանոնները, «Ulku», 1938, cilt XI, s. 344.